





南康縣志卷之二

形勝志

梅嶺南峙章水東流鎖百粵之咽喉通兩京之孔道二南列翠屏於前九日枕書臺於後金橋架竦蓉渡橫槎巾巖瀑布掛百丈以雲飛踞嶺嶽嵒空千尋而壁立浮石出蕉溪茶泛坡公之句仙臺傳古蹟井留呂祖之丹據上游而分地險排列嶂以鞏邊關其名目詳列山川疆域志

南山挹翠

東渡觀瀾

蘇步名坊

呂仙丹井

蒼龍躍浪

舊名金鷄向日

南康縣志

卷之二 形勝

一

寶馬騰雲

秀峰文筆

旭嶺書臺

按府志議八景太彫琢固當然乘志徃徃有之京都志亦然於義無關得失賦詩者每以此命題仍照舊志姑存之





山川志

山海經云潁水出聶都山桑欽水經注載章水出豫章南埜縣章水爲潁水西流康邑舊名南埜其地由梅嶺發脉在郡視他邑較爲平衍前志云山青而秀人得之愛名而重節水曲而清人得之敏慧而多英然崛起在人廉隅自勵乃不負英秀氣倘誤用聰明恐反涉於小慧古人云人傑地靈地非因人而靈人必傑始彰地之靈也故自旭山章水下逮一邱一壑悉記不遺雖不盡入山經而資水注亦一邑人物鍾毓流峙之所自云

南康縣志

卷之二

山川

二

南臺山縣治前山也高百餘丈上有巖可坐十餘人巖前頗寬平舊有南巖寺夜月風籟遊客時時聞鐘磬聲又南臺稍西有一山秀銳曰小南山

九日山縣治主山也宋陳主簿妻贈虢國夫人者夢有衣冠人來謁怪問之告曰吾九日山神也已而生子席有蛇蛻之異因合九日二字名曰旭後登第避神宗廟諱改名升之神宗朝拜相卒謚曰秀益公生於南康實是山所鍾英也山椒舊有旭山亭久廢嘉靖癸未通判黃廷宣復建之爲文以祭公歲甲午知縣王宣之縣丞王泰率民劉鵬雲揚



王琢等因舊基增濶爲祠扁曰第一山規制雄偉山之空缺受風處稍補塞云

按府志駁此事甚正謂鍾英不於本邑而於異鄉何足誇耀然維嶽降神無分地域尤足聳人作善降祥之心不必計事之有無也仍舊載入鹿鳴山在縣北四十里塘江之水南以鹿鳴鄉故名書錦山在縣治北一百里初名大乘山山半有畫錦寺故名

羊嶺在崇信里去縣一百六十餘里高聳磅礴其巔暨古塔有石泉旋繞之勝山椒小寺俗傳唐時郭

禪師者居之

一云姓劉

因旱禱不應自焚而化雨隨注

邑人建祠祀之久廢後爲昭福觀明末觀復毀康熙四十三年甲申崇信四里人譚內昭復建改觀爲泰雲山 又縣北一里有嶺俗亦呼羊嶺在旭山之左今爲民葬所

馬嶺在縣東南一里又名天馬山八景所謂寶馬騰雲者是也形家謂有關學校宜高聳其巔嘉靖丁未分巡嶺北道高時彥檄縣動支本道罰金傭工取土以增高當時督役者苟且畢事僅築一小堆曾不加高於舊萬曆戊午冬縣令湯有望始建塔



於嶺爲學宮文筆峰

東山在縣東五里盤迴突起與二南山相對章江遠

出其西

謙云水打東山田南康出狀元

原有東山寺寺有古塔爲

一邑文筆峰塔前有女貞樹宋劉元亨手植明太

守張弼有詩見藝文

獨秀峰在縣東南二十五里

俗名雞籠山

下有龍湫旱禱

輒應宋蘇軾南遷過之見其秀拔更今名及北歸

賦詩識之

高靈山在縣東南三十里與獨秀峰並峙山勢巍峻

躡蹬而上爲三天門相距各里許門各磨崖鐫字

南康縣志

卷之二 山川

四

最上有朝元閣山週圍十餘里有田有瀑布泉流

湍四注折而左有塔院東數里有勝龍山北出九

牛抵王潭山爲往來通逕山麓有菴曰盤龍晴日

登眺城市風煙繚繞稱爲奇觀又東去一山名青

隱與贛縣武林山相望

廩山在縣東南六十五里近龍迴村其巔有石如廩

形故名壤接信豐

穀山在縣治東南八十里高千餘丈上有石頂圓如

人形又有池清澈可鑑產五色鯉魚人取之卽潛

伏旱禱爲符呪用盆以伺之得魚卽雨稱靈應



石君山在縣西南接大庾界三石形似人中一石獨  
爲高聳左右差小並竦立迴峙如相顧然俗名薰  
嶺

雲主山在縣西南一百里府志載百  
六十里其形如飛驎俗

名馬山上有巖深邃可容數十人巖前有池四時  
澄蓄無增減山麓有廟其神曰黃總管唐時收捕  
賴坑草寇遇害里人廟祀之

了髻山在縣北東一里兩峰夾峙宛如雙髻嶺有菴  
菴前稍右有池渟滋不竭山形自旭嶺東下伏而  
再起龍脉紆結爲邑之後屏

南康縣志

卷之二 山川

五

鯉魚山在縣東北一里有古塔開縣之水口也形似  
故名

玉潭山在縣東北四十里地名潭口山濱大江豫章  
水導源東北流逕南埜卽自此潭東注故名潭口  
水澄滢如碧玉

龍山在縣西南四十里地名鍋坑高三百五十丈橫  
亘四十里接大庾界

嶠嶺在縣東南五十里龍迴村四面峭險攢石磊砢  
踰嶺則信豐界

西山在縣西上有古塔宏治間始廢今塔止一層



潛仙山在縣治西五里古傳洞賓仙化爲羽士寓此故名

蓮花山在巫橋里去縣北一百七十餘里又名巫橋嶺高與羊嶺並狀若蓮花上有巖可容百餘人前有橋名仙橋下有瀑布百丈纍如串珠瀉於石竇不知所注五代唐時鄉人結寨於此以爲保聚名蓮花寨久廢踰嶺則崇縣界又縣西北五里有蓮花山週圍溪澗縈繞田疇田中一邱全體凸而內凹形若出水蓮花故名左有百家湖右爲安舒橋又東北行一里爲龍岡前有龍潭山與蓮花對

峙

天心巖在縣西北四十里巖內通敞有光可坐數十人山突起昂首若獅故又名獅子巖

翁山在縣西北六十里俗名蒙山地名崇文高三百丈連亘百里入上猶界

浮石在縣治西三十里高二十餘丈狀如覆鐘水環其外坡公南遷還舟次浮石作詩有浮石已乾霜後水之句石當流衝舟行輒漂溺明宏治間義民吳登顯鑿石浚水道由石之南人甚便之

寶石近浮石五里高二十丈連亘五十餘丈蹲踞如



虎

巾子石在龍子里去縣北二百餘里高百餘丈橫亘四十五里其巔有巖可容五十餘人內有瀑布泉遠望之形如巾子故名今俗訛爲君子石

壽峰山俗名木古嶺在縣北百八十里順化鄉高塘村後屏高百餘丈橫亘三十餘里接龍泉界上有前後二巖可容數十人內有鐘鼓石又有泉池清澱可鑑山頂有石形似壽仙故名與巾石對峙

東華山在縣東較場西北形家謂此爲水口山宜突起始爲周密萬歷時邑人王事聖倡衆創菴其上

南康縣志

卷之二

山川

七

瑩石爲長堤前有平臺菴內左有叢桂亭右有觀瀾亭 國朝始廢康熙五十二年知縣何多學復尋舊址墜建工未竣以憂去又廢今基址內爲流寓黃毓秀混築墳墓日後復興建造卽押黃毓秀遷去此墳惟叢桂觀瀾左右二亭地勢凹陷尚未有墳尋其兩凹之中實菴正棟之址

芙蓉江在城南門外源出聶都山卽章水也故又名章江水至此澄淥泓深江之南有平沙橫衍數里皆民居從下行里許入東山逕有芙蓉菴又東去十里有芙蓉橋相傳唐時沿岸多植芙蓉一夕盛



開初日映江纖妍可悅故名水東流折北環邑治一百二十里至虔會貢水

桃江在縣西舊志在紅桃嶺又名南埜灣源出豫水歷南坑口合蓮塘水至南埜口入章水

蓮塘水在縣西八十里太平嶺下源出余原嶺之址東流二百四十里經刀石湖至芙蓉江

河田水在黃雀坳去縣西一百四十里源出至坪里鈇場派分爲二其一界茅平桑灞注龜湖而出長龍其一出新溪逕長龍合爲至坪江又四百五十里至大平里瑞陽江合於章水

南康縣志

卷之二 山川

八

梅江水在縣北四十里源自了髻蛤湖二水合流至長伯里滙爲江曰塘江頗深漸漫折而東二十餘里入三江口經湖頭會貢水

西符水在縣北源出蘆山東流二百里至南埜口入章水

封侯水在縣西南三十里源出布尾東流至校溪會九江水至石門灘入章水

大田水在縣西北四十里源出景泰陽山東流三百里至南埜口入章水

禽水在縣西北崇文里源出禽山東流一百五十里



至南埜口人章水

過水在縣西北源出過山東流一百五十里至南埜口人章水

鴨子湖在縣水南中有堆圓如鴨子志勝云湖水漣漪邱阜突起湖傍舊有亭榭平疇周環多古松喬聳蒼翠蘇文忠公嘗憇其上有詩

六秀水卽巽水一名西流水有二源一出大坳頭由合江口會龍坑水經馬嶺而西一出盧源坑由三角廟至東嶽廟二水相合而西流橫繞學宮之前舊志謂由縣庠巽水會於章水者得之但所謂源

南康縣志

卷之二

山川

九

出嶠嶺之東者相沿之誤也正德間知縣綦紳以此水有關學校水勢漸決而東乃捐俸倡義率民築堤捍之使復故道日久堤壞嘉靖間分巡道高時彥檄縣動支本道罰金傭工築堤長濶堅固水復西流邑人劉昭文記歲久堤壞隆慶元年知縣倪民望因舊址更增築橫繞學宮天啟三年後知縣陳瑾重修之自爲記勒諸石

青囊本旨以此水位於艮巽兌丙辛

丁故名  
六秀

甘泉在縣西南一里秋冬不涸旱澇如常其味頗甘異於衆水



蕉溪水在縣西三十五里源出鍋坑流至浮石入章水蘇東坡有蕉溪閒試雨前茶之句

賢女潭在縣西南三十里宋時劉貞女自沉處蘇步坊并在縣治東蘇步坊下井深水冽可汲白鶴池在縣治東民居

壽龜池在縣南街中有石似龜併池中常產龜故名玉字井在縣治東南隅其水徹底澄清玉字街以此爲一縣故名

綠池在縣東宋時偶出石綠尋竭至今仍其名仙臺觀井有二在觀三清殿東前後相對如呂字俗

傳呂仙寓觀開鑿故名因兵燹改建西竺庵

按仙臺觀在城西門外俗傳建炎初呂仙化羽士寓此與鄧道士開井二所謂呂仙丹井也又呂祖自寫遺像併題有詩後人勒於石碣今碑斷詩載藝文



疆域志

王者有分土無分民不可以疆域岐也而天下不能一人獨理故析為州縣使之各居其職各牧其民雖山陬海澨罔非一王之政教康居嶺南僻壤縱不過三百里橫則僅百里一蓋爾地也然昔人有以德著者有以行顯者有以宦蹟垂名者未嘗為地限後之人官斯土者勿以域小懈撫字之方生斯土者勿以境僻忘廊廟之志韞玉山輝懷珠川媚地以人傳矣况昇平日久聲名文物遍寰區又何方隅之可囿哉茲詳列四至及鄉堡寨隘於

南康縣志

卷之二 疆域

左

南康地方縱長而橫縮東西相距九十里南北相距三百二十里

東北至贛州府贛縣界五十里

經文付舖星馳舖樟橋舖潭坪舖高

陂以五塚嶺為界自界到贛縣治三十里

西南至大庾縣界四十里

經古鎮舖伏潭舖賢女舖青女舖

以赤

石逕為界自界到大庾縣治九十里

南至贛州府信豐縣界四十里

經龍迴舖

以峒嶺為界

自界至信豐縣治五十里

北至吉安府龍泉縣界一百八十里以黃土嶺為



界自界至龍泉縣治三十里

東南至贛州府贛縣界五十里以黃沙嶺為界自界至贛縣治五十里

西南至廣東南雄州保昌縣界一百二十里以大嵐裏為界自界至保昌縣治一百三十里

東北至吉安府萬安縣界一百八十里以上下造為界自界至萬安縣治九十里

西北至上猶縣界四十里經朱坊舖以古樓隘為界自

界至上猶縣治五十里又東北經塘江舖相安鎮亦可通上猶縣

南康縣志

卷之二 疆域

二

又西北至崇義縣界六十里以紅桃嶺為界自界至崇義縣治八十五里

疆域內鄉里

芙蓉鄉八里

在城四坊四里在城內 義仁二廂二里在城外

太平二里在城東十里

鄉約所九縣前惠民藥局古城郭西賴屋巷九

圳口水南村渡頭村洋江澗紅池村小嶺背各

一所

靈異鄉一里



三選 一里在縣東五十里

鄉約所二潭口村曹村各一所

鹿鳴鄉二里

得俊 一里在縣東北六十里 長伯 一里在縣北五十里

鄉約所三長江村河口村內朝村各一所

崇教鄉三里

新龍 二里在縣北一百里 至坪 一里在縣西北九十里今割半里附崇義縣

鄉約所三下庄麻桑岡頭村各一所

順化鄉十七里

相州 二里在縣北一百二十里 程龍 四里在縣北一百五十里

南康縣志 卷之二 疆域 三

崇信 四里在縣北一百五十里 龍子 四里在縣北一百七十五里

崇義 三里在縣北二百里

鄉約所七相安寨南梁村橋頭石下村鎮前局

前羅拔泥各一所以上二十四所俱兵燬基存

南康之為堡者十有八

西下堡 太平里 龍廻堡 牛牯堡 俱三里

甘竹一堡 甘竹二堡 蓮塘堡

蘇斜堡 李姑堡 俱至坪里 古樓堡 長伯里

城埠堡 油槽堡 俱三里

以上十一堡俱屬捕衙



潭口堡 二選里 湖頭堡 沙河堡 俱得俊里

塘江堡 石塘堡 俱長伯里

以上五堡俱屬潭口司

丹柴堡 長伯里 崇文堡 辛龍里

以上二堡原屬潭口司今同順化鄉十七里

俱屬相安司

為寨者六

蓮塘寨 在縣西河田里 赤江寨 在縣西至坪里 相安寨 在縣北相州里

太平寨 在縣北辛龍里 蓮花寨 見山川 同巡寨 在縣北長伯里

為隘者二

南康縣志 卷之二 疆域 四

峭嶺隘 三選里 古樓隘 長伯里

為墟市者二十

南門墟 洋江墟 銀河墟 厚田墟 麻桑墟 河田墟

龍廻墟 草墟 馬齊墟 銀江墟 塘江墟 小陂墟 潭

口墟 相州墟 湖頭墟 安樂橋墟 赤岡墟 蕭屋墟

牛鼻墟 李家山墟 以上俱久廢 惟龍廻潭口李

家山塘江 即今太平墟 湖頭 即今金盆墟 相州 即今橫石井墟 六

墟現已興復

自縣驛路至南安府治一百三十里至贛州府治

八十里至省城一千二百八十里至京二千八



百九十里至北京五千七百五十里

南康縣志

卷之三

疆域

五



南康縣志卷之二

城池志 附城內坊巷

城池以固都邑保障所宜先也易曰王公設險以守國書曰申畫郊圻慎固封守聖王法制善矣南康地當東粵之衝周亘數百里城肇建於宋池則南臨江水東西北濠浚自人歷代因時修築相沿至今雖非巖邑要亦上游阨塞也當城垣未修以前遭尙賊殘害闔邑被毒甚深厥後雉堞旣完守禦始固寇知有備無敢犯境人得安堵無恐鑿往知來城池之所關奚若司民

南康縣志

卷之二

城池

牧者宜無忽視焉

古城在今縣治西南隅後以形家言土燥不利始遷於此初惟環以土垣宋紹定戊子南安尙寇作亂民苦竄徙壬辰邑令戴翼始甃以磚石周八百二十有八丈繞以池濠雜樹檟棘以爲蔭護爲門四東曰迎恩西曰通粵今改咸安南曰蓉江北曰鎮北門各有樓翼爲記寶祐甲寅雨壞知縣梁現補築之元至正間復壞縣尹秦濟亨重修之至正末尙寇復作亂城廢明初山賊曠必隆復焚蕩一空惟存迎恩一門永樂戊戌



淫雨頽盡宏治丙辰知縣周怡具請巡撫都御史金澤兵備副使張璉下縣司措置陶甃發砌門仍四廣袤計五千八百四十七丈高一丈有八尺厚一丈有三尺蘇葵記正德辛未知府李敷視城稍卑委通判李鑑增高正德甲戌淫雨圯壞毀復委通判趙亢宗修補嘉靖庚寅知縣鄭衷以民出入弗便於東南隅增開一門名曰便民刑部郎中劉寅記衷以此門之啟科甲相繼題其門之樓曰應魁後官揚州教授寄文以記之

各門城樓俱經兵燬順治十四年丁酉知縣鄭思魯重建康熙三年冬知縣陳暉將週城女牆窩舖馬道重修鞏固後西門城樓復燬康熙四十四年知縣申毓來捐造重新便民門因明季寇躪暫塞雍正元年復開乾隆癸巳復塞癸卯邑紳士李逢清謝啟昆盧鎮苑李曰且曰誠曰焜等稟縣復開自是科甲聯翩額之曰聚奎

池南臨章江自西而北而東依城爲池周五百丈濶丈有二尺深四尺而北之濶加焉昇平日久近濠居民見地寬土沃漸次侵佔初藝雜糧後



種黍稻輾轉相沿幾同私產道光三年因修縣志清查公地經邑宰王公雅南勘明濠池自西門外由北至東以大路爲界當經丈明其池自城牆起護城路七尺又池一丈八尺共貳丈五尺池深仍四尺外作一堤垣垣外爲公田稱田濶狹并塘納稅完租貯爲公項以爲補修城垣之費

### 街道

縣城街五南街在縣治南又并東西二街稱十字街玉字街在東南隅便民門內北街在縣衙後

南康縣志

卷之二 城池

三

東門外有東街至隍廟西門外有西街至西華山

### 歷朝牌坊

秀公坊在縣治東陳秀公升之毓以本邑簿廨比長登第宰邑有惠政後官宰相民思其德立坊以志不忘

觀風坊在縣治前嶺北道左从圮

肅政坊在縣治前嶺北道右从圮

章江古治坊在南門外从圮

御史坊在縣治西爲進士田如鰲建



桂林坊在縣東南隅爲田氏八桂建

甲科坊在縣治西爲進士盧自明建久圯

進士坊在縣治東爲永樂甲申科賴禮建現存

羣英坊在驛左爲進士蔡詢賴禮蔡彬等建

豸繡坊在縣治西爲御史王時習建現存

科甲連登坊在東門外爲嘉靖戊戌科劉昭文

建久圯雍正六年裔孫日亨日瓊捐資重建

省元坊在縣治西爲宋省元劉必達建

進士坊爲明永樂戊子科舉人王紀建

登雲坊在縣南街爲永樂辛卯科舉人陽順建

亞魁坊爲應天鄉試第六吳慶建採府志續入

登科坊在縣南街爲宏治戊午科舉人賴驄建

騰蛟起鳳坊在東門外近教場地藏閣前爲嘉

靖辛卯科舉人黎國士建石墩石柱現存

敦崇俊良坊在西門外爲嘉靖己酉科舉人吳

霖建現存

奕世科第坊在縣治東南爲知府王事聖建採

府志續入

龍飛首薦坊在縣治前爲萬曆元年癸酉科舉



人奚元愈建現存

萬壽坊在縣東北以由此往祝聖道場所故名  
洪武間主簿錢翊重建

上壽坊在縣東爲縣丞李瑛壽登九十五歲建  
博士坊在縣西爲國子監博士郭溥建現存

近侍坊在縣西爲鴻臚寺序班吳守貢建現存  
旌獎坊在縣西爲旌表王貫魁建現存

恩榮坊爲旌表蔡有經建在本宅門首現存  
好義可嘉坊爲旌表蔡均寧建在東門外濠池

上本宅門首現存

旌表樂善好施坊在縣西門外爲鄉耆李盛祿建

貞節坊在縣西爲生員商志賢妻陽氏建現存

貞節坊在縣西爲儒童王一詡妻賴氏建現存

貞節坊在縣治東爲廩生賴尚珠妻郭氏建在

本宅門首現存

節孝坊在縣治東爲增生李仙祈妻王氏建在  
本宅門首現存

節孝坊在縣治東爲生員蔡明通妻王氏建在  
安仁坊本宅門首現存

節孝坊在縣城東南爲儒童黃冕妻洪氏建



節孝坊在縣東門內爲儒童李同林妻蔡氏建坊巷

玉字街在縣治東南隅便民門內

雍和坊在縣治東以里仁和輯故名

蘇步坊在縣治東七十步蘇文忠南遷經此過訪田如鰲六經堂留題因以名坊

雲梯巷在縣治東以舉人王紀故名

迎恩坊在東門內以恩詔必由此過故名

安仁坊在縣治東取里仁爲美之意故名

義和坊在縣東巷人詩禮傳家以義相尚故名

攀桂巷在縣治東宋時以陽萬徹登科故名

仁榮坊在縣治南以巷人仁厚故名

登雲巷在縣治南以舉人陽順故名

步蟾巷在縣治西南以舉人謝遜故名

隆禮坊在縣治西南以巷人能以禮遜故名

進士巷在縣治西以進士王時習故名

廩梅坊在縣西七十步以由此路至廩嶺故名

富安巷在縣治西以巷人多產故名

綠池巷在縣治北以本處池水深綠故名

亨會坊在縣治東北以巷人聚美故名



教義巷在縣治東北以里人朱縣丞教子以義  
方故名

尚賢巷在縣東

賓興巷在縣東南以近儒學故名

興賢巷在縣東南城外以輔翼儒學故名

育才巷在縣東南城外以通儒學故名

集福坊在西門外以里人安集和樂獲享樂利  
之福故名

甘泉巷在縣西南附郭以巷有社井故名

龍珠巷在縣南水萬安寺之左

致遠巷在縣北一里以道通北鄉龍泉故名



南康縣志卷之三

學校志

古者始立學必釋奠於先聖先師重教本也而學則不專於祭

國家興賢育才胥天下士而養之庠序又

特頒臥碑製訓飭士子文以示楷模誠盛典也近復設立書院延師長優廩餼廣學校所不及人文之興宜代不乏人且周濂溪講學於先王陽明垂訓於後前哲遺風未遠遊其中者仰荷

朝廷作人之盛幸居名賢過化之區當思接薪傳  
南康縣志 卷之三 學校 一  
端品行不僅以詞章取青紫庶幾不負所學而職司教養者亦當循名核實勿以虛文應故事乃不失建學造士之本意也夫

宋慶歷四年詔本軍大庾南康上猶立學肇建於縣治南二十步景祐初邑宰陳升之改建於城法院之左建中靖國辛巳邑宰胡晉侯遷於城外東南隅卽今學也紹興癸亥邑宰李能一新之其後侯璉熊以新黃由庚曾三復李秩張霆及邑簿陳垓相繼增修頗踰舊制又其後邑宰胡夢良始鑿石築江濱基岸紹定間邑宰梁現



曾修祭器元大德以來有壞必葺至大改元僉  
事郝公命邑宰秦濟亨邑教何光發直學郭壽  
老捐俸重修時壽老之父必發首輸鈔一千五  
百緡倡諸士大修百廢一新有司以聞表其閭  
艾幼王記至正丁亥邑宰澶淵朶及復倡修之  
歲久頽廢禮殿至以茅覆而江濱基岸及櫺星  
門爲江流衝蕩進逼戟門地者僅五尺明永樂  
十四年教諭陳賢至慨然以興廢爲己任捐俸  
倡士大加修葺廟宇始易以瓦築堤捍江用復  
故地王進記天順二年知縣任燦重修禮殿及

戟門櫺星門成化十九年知府張弼以明倫堂  
前迫禮殿後迫御書閣規制隘陋乃移閣於後  
二尺鼎建而寬敞之自爲記成化甲辰右叅政  
秦民悅重建明倫堂侍郎曹翬記正德間改學  
門向獨秀峰未幾復舊向先是明倫堂在大成  
殿後右隅至是十二年教諭余仁偕生員劉公  
業等具呈於兵備副使楊璋遷於大成殿之後  
所謂魁星閣御書樓及會饌堂之類於此盡廢  
嘉靖乙酉兵備副使林大輅巡部至因詢祭器  
敝壞乃命縣丞唐盛修置之侍郎劉節記至於



修葺廟廡如宏治辛酉署縣事通判馬伯昂正  
德乙亥知縣黃璋嘉靖庚子推官謝澧壬子知  
縣高萼咸相繼修理

先師廟舊曰大成殿嘉靖九年制改先師廟中祀  
先師至聖孔子四配則顏子曾子子思子孟子  
十哲則閔子至顯孫子東西廡則孔子諸賢澹  
臺子以下及漢唐宋從祀諸子前爲戟門又前  
爲櫺星門總名曰先師廟其東西廡神主昔甚  
陋襲嘉靖三十三年春知縣會迪捐俸製造神  
龕東西各十有四仍新其案檯刻置神主如儀

嘉靖三十六年春知縣倪民望鼎新殿宇續又  
遞經修葺

國初學宮遭兵燬順治十四年丁酉知縣鄭思魯權  
建

文廟於城內縣治之南明倫堂諸制未備因地氣  
不利棟宇速朽康熙八年己酉知縣陳暉毅然  
以作興文教爲己任捐俸百二十金爲倡與司  
訓紳衿謀遷城外舊址通邑同心捐助是冬興  
工次年春

聖殿告成壬子春



啟聖祠明倫堂東西兩廡大成門櫺星門俱卽告

竣巍煥比前有加

黎博菴先生  
記載藝文集

康熙十三年三

藩叛烽燧頻加益以水患日久漸頽康熙四十  
七年知縣申毓來慨然以興學造士爲己任捐  
俸二百兩爲倡與學諭程衛暨紳士周冕等謀  
旣協通邑同心捐助興工於己丑六月迄庚寅  
臘月而告成先

聖廟次尊經閣居仁由義二齋左右耳門日規準  
準繩櫺星三門儒學門教諭廡俱一時新創

啟聖祠明倫堂亦重加修葺其規模壯麗易卑隘

而巍煥大有加於前

學憲董佩笈  
記載藝文集

康熙五十五

年丙申知縣李煥暨紳士王夢簡吳鴻才等重  
加修葺將

聖殿移進五尺更新棟宇并新章江門改曰儒學  
乾隆十年邑令鄧蘭拓基加葺丁未邑令鍾奎  
炎勸捐修理嘉慶壬申學博黃淳因尊經閣將  
傾塌餘多朽壞謀於縣令徐景率邑中人士改  
造又增新焉學使王鼎記

名宦祠在先師廟門左嘉靖癸巳立祀旣徃之官  
長賢而有政績者知縣宋陳升之黃由庚曾三



復戴翼明沈章縣丞吳德基教諭陳賢主簿牟傑  
國朝江西提督學憲高瓚臬憲蔣毓英巡憲白  
啟明府憲馬化龍斬襄陳奕禧知縣陳暉尚有  
政績卓越未經申請入祠者傳載名宦卷內  
鄉賢祠在先師廟門右嘉靖癸巳立祀鄉之先賢  
有德業行誼者宋劉元亨蔡居中陽孝本田關  
李諤田如鰲王易簡陽大明元蔡恢明蔡運李  
琦賴禮王時習蔡彬張用中王人貴王事聖劉  
翔王用霖奚元愈蔡世勅奚憲正  
國朝李用梅王宏璧凡二十有四人

啟聖祠在明倫堂左中爲堂前爲門左右爲廊門

外設立屏牆康熙辛亥年鼎建

祠後左邊因已  
五年修學生員

賴建柏建松送出所買鍾家地基一片原價一  
十八兩鍾復控縣申令又給銀七兩兩契存學  
地基計深十丈前濶四丈五尺後濶三丈五  
尺東至王宅西至學宮南至公堂北至元巷

明倫堂在聖殿後康熙壬子春鼎建庚寅春堂簷

補建一軒歲久將頽至乾隆四年知縣李配仁

暨紳士賴建柏王宜紫蔡恒繼等協謀通邑捐

助鼎建

尊經閣在明倫堂後卽古御書樓舊基居仁齋規

矩門在明倫堂前左偏由義齋準繩門在明倫



堂前右偏康熙己丑冬創建庚寅秋竣工

敬一亭在明倫堂後明嘉靖九年知縣鄭衷建以

貯御製敬一箴及所註視聽言動箴共五碑三

十一年都御史張焯駐節詣學見其地坎陷檄

署縣事推官洗沂崇築基地其高加於舊張焯

記今久廢考舊志明倫堂後尚有會饌堂今久

廢

號房致齋所學舍巷房神厨神庫宰牲房俱在明倫堂之左右兩旁久廢

學宮前自宮牆起後至尊經閣深三十四丈前濶

一十二丈後濶一十四丈八尺南至河干路北

至元巷東至鍾宅民居西至本學地及興學碑

祠東邊儒學門係義民鍾堯臣于康熙九年送

出已地前濶一丈五尺深一十有三丈

學宮右邊上半截地基原係教諭訓導齋舍兵燹

址在今丈明深二十五丈三尺前濶七丈二尺

後濶四丈南至興學碑祠北至元巷東至殿牆

西至蔡劉宅民地右邊下半截地基左係興學

碑祠右屬射圃舊址今丈明共深七丈前濶十

丈後濶七丈二尺南至街北至齋舍地東至殿

牆西至郭宅民地康熙己丑知縣申建學諭廨

於右邊下半截基內前至邑令陳二公講堂後



至廟右空基

射圃在學宮西北知縣王宥建觀德亭於其上明正德間廢

明制生員日講畢習射府縣官辦事畢仍與教官習射後更定射式朔望習於射圃此禮久廢今制教官督武生員習射有常期武童亦得於射圃演習如式

學左章江門乾隆五年知縣李配仁暨紳士賴建柏等改向南山至乾隆十年知縣鄧蘭暨廩生李逢清王芝秀王永綸林昌等謀改今向

南康縣志

卷之三

學校

七

章江門外河堤久經衝蕩片石無存乾隆五年知縣李配仁暨紳士賴建柏蔡峻李曰詩林大炯李逢芹等協謀通邑捐助購石砌築

南康學原無官置學田前朝先達及好義士各  
各有捐送膳田共計叁百叁拾担外墾土二片

潭口魚塘一區

各田土名黃村後龍南塘堤宋塘較子嶺中坑裡西坡葉坑裡

南水上賢坊洋江泔白芒神等處經丈糧米捌石捌斗壹升伍合柒勺伍撮柒圭柒粟玖粒夏米貳升叁合伍抄玖撮載太乙畝七甲里長張貴顯戶立名南文盛遞年收租照民完糧

文廟禮器

木祝版二

磁登一

磁彝一



磁鼎十六	磁毛血碟十六	銅毛盆二
磁礪二十二	磁簋六十一	磁簋六十一
磁香爐十八	磁爵五十四	磁著罇八
磁鬯罇八	竹邊二百四十六	木俎二十
木豆二百四十六	木饌盤十六	木燭臺百有六
銅勺八	紅紬幕幃八	錫盥盆二
盥盆架二	錫毛沙池	筐盒十八
木牲盤十八	木高照四十六	鐵燎爐二
鐵庭燎八	鐵燎叉四	供桌六
紬桌帟十八		

南康縣志 卷之三 學校 八

文廟樂器

大鼓一架	楹鼓一架	緞傘蓋一
應鼓一架	鼗鼓二架	搏拊二架
琴六	琴桌六	瑟二
瑟桌二	笙六	龍笛六
鳳簫二	洞簫六	塤二
篪二	祝一	敔一
篳四十八	籥四十八	羽毛百四十四
石磬十六	銅鐘十六	鐘架一
磬架一	象簡六	麾幡二座



旌節二

干二

戚二

丁祭樂章

咸和之曲 迎神用

大哉宣聖

道德尊崇

維持王化

斯民是宗

典祀有常

精純並隆

神其來格

於昭聖容

寧和之曲 獻帛用

自生民來

誰底其盛

惟師神明

度越前聖

粢帛具成

禮容斯稱

黍稷匪馨

惟神之聽

南康縣志

卷之三 學校

九

安和之曲 初獻

大哉聖師

實天生德

作樂以崇

時祀無斁

清酏惟馨

嘉牲孔碩

薦羞神明

庶幾昭格

景和之曲 亞獻

百王宗師

生民物軌

瞻之洋洋

神其寧止

酌彼金罍

維清且旨

登獻於三

於嘻成禮

宣和之曲 終獻

犧象在前

豆籩在列

以享以薦



既芬既潔

禮成樂備

人和神悅

祭則受福

率遵無越

祥和之曲

辭神

有嚴學宮

四方來崇

恪恭祀事

威儀雝雝

歆茲惟馨

神馭還復

明禋斯畢

咸膺百福

文廟春祭樂章

夾鐘為宮倍應鐘起調

迎神 咸平之章

侃此侃侃  
大哉孔子

侃侃侃侃  
允覺先知

南康縣志

卷之三

學校

十

侃侃侃侃  
與天地參

侃侃侃侃  
萬世之師

侃侃侃侃  
祥徵麟紱

侃侃侃侃  
韻答金絲

侃侃侃侃  
日月既揭

侃侃侃侃  
乾坤清夷

初獻 寧平

侃侃侃侃  
予懷明德

侃侃侃侃  
玉振金聲

侃侃侃侃  
生民未有

侃侃侃侃  
展也大成

侃侃侃侃  
俎豆千古

侃侃侃侃  
春秋上下

侃侃侃侃  
清酒既載

侃侃侃侃  
其香始升

亞獻 安平

侃侃侃侃  
式禮莫愆

侃侃侃侃  
升堂再獻



仕伍伍伍伍

伍伍伍伍伍

響伍伍伍伍

誠伍伍伍伍

肅伍伍伍伍

伍伍伍伍伍

終獻 景平

相觀而善

禮陶樂淑

譽髦斯彥

自古在昔

先民有作

皮弁祭菜

於論思樂

惟天臨民

惟聖時若

黻饌 咸平

至今木鐸

先師有言

祭則受福

南康縣志

卷之三

學校

士

四海黌宮

疇敢不肅

禮初告黻

毋疏毋瀆

樂所自生

中原有菽

送神 咸平

洙泗洋洋

鳧雁戕戕

流澤無疆

景行行止

祀事孔明

聿昭祀事

有我膠庠

化我蒸民

文廟秋祭樂章

南呂爲宮仲呂起調



迎神 咸平

伏化仕伏 大哉孔子

伏化仕伏 與天地參

伏化仕伏 祥徵麟紋

伏化仕伏 日月既揭

初獻 寧平

伏化仕伏 予懷明德

伏化仕伏 生民未有

伏化仕伏 俎豆千古

伏化仕伏 清酒既載

伏化仕伏 先覺先知

伏化仕伏 萬世之師

伏化仕伏 韻答金聲

伏化仕伏 乾坤清夷

伏化仕伏 王振金聲

伏化仕伏 展也大成

伏化仕伏 春秋上丁

伏化仕伏 其香始升

南康縣志

卷之三 學校

三

亞獻 安平

伏化仕伏 式禮莫愆

伏化仕伏 響協鼓鏞

伏化仕伏 肅肅雍雍

伏化仕伏 禮陶樂淑

終獻 景平

伏化仕伏 自古在昔

伏化仕伏 皮弁祭菜

伏化仕伏 惟天牖民

伏化仕伏 彝倫攸敘

伏化仕伏 升堂再獻

伏化仕伏 誠孚疊獻

伏化仕伏 譽髦斯彥

伏化仕伏 相觀而善

伏化仕伏 生民有作

伏化仕伏 於論思樂

伏化仕伏 惟聖時若

伏化仕伏 至今木鐸



徹饌 咸平

先師有言

伏惟伏惟

四海巽宮

祭則受福

禮成告徹

疇敢不肅

樂所自生

毋踈毋賣

送神 咸平

鳧釋義

流澤無疆

景行行止

祀享孔明

聿昭祀事

育我膠庠

化我蒸民

南康縣志

卷之三

學校

三

孔子先代五王祭文

維

王奕葉鍾祥光開聖緒盛德之後禎久彌昌凡聲

教所覃敷率循源而溯本宜肅明禋之典用申

守土之忱茲屆仲春秋聿修祀事配以

先賢顏氏

先賢曾氏

先賢孔氏

先賢孟孫氏尚饗

文廟祭文



維

先師德隆千聖道冠百王揭日月以常行自生民  
所未有屬

文教昌明之會正禮和樂節之時辟雍鐘鼓咸恪

薦於馨香泮水膠庠益致嚴於遵豆茲當仲春

祇率彝章肅展微忱聿將祀典以

復聖顏子

宗聖曾子

述聖子思子

亞聖孟子配尚饗

南康縣志

卷之三 學校

十四

名宦祠祭文

維

諸先生金玉之彥牧範之良甘棠遺愛率比垂芳

流風善政日篤不忘某叨公後景慕休光式崇

明祀庸報無疆尚饗

鄉賢祠祭文

維

諸先生珪璋令德鄉邦碩人達則宏道隱則淑身

佑啟後學典型如新某叨茲牧景仰逸塵式崇

明薦庸樹表楨尚饗



南康學額十二名

原額八名雍正二年升中縣加額四名共十二名

恭錄學校規條

順治九年題准刊立

臥碑置於明倫堂之左曉示生員

朝廷建立學校選取生員免其丁糧厚以廩膳設  
學院學道學官以教之各衙門官以禮相待全  
要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯

南康縣志

卷之三

學校

十五

或有非為者子既讀書明理當再三懇告使父  
母不陷於危亡

一生員立志當學為忠臣清官書史所載忠清  
事蹟務須互相講究凡利國愛民之事更宜留  
心

一生員居心忠厚正直讀書方有實用出仕必  
作良吏若心術邪刻讀書必無成就為官必取  
禍患行害人之事者徃徃自殺其身常宜思省  
一生員不可干求官長交結勢要希圖進身若  
果心善德全上天知之必加以福



一生員當愛身忍性凡有司官衙門不可輕入  
卽有切己之事止許家人代告不許干與他人  
詞訟他人亦不許牽連生員作證  
一爲學當尊敬先生若講說皆須誠心聽受如  
有未明從容再問毋妄行辨難爲師亦當盡心  
教訓勿致怠惰

一軍民一切利病不許生員上書陳言如有一  
言建白以違制論黜革治罪

一生員不許糾黨多人立盟結社把持官府武  
斷鄉曲所作文字不許妄行刊刻違者聽提調

官治罪

康熙四十一年

御製訓飭士子文頒行直省各學

國家建立學校原以興行教化作育人才典至  
渥也朕臨御以來隆重師儒加意庠序近復愼  
簡學使釐剔弊端務期風教修明賢才蔚起庶  
幾棧樸作人之意乃比年士習未端儒效罕著  
雖因內外臣工奉行未能盡善亦由爾諸生積  
錮已久粹難改易之故也茲特親製訓言再加  
警飭爾諸生其敬聽之從來學者先立品行次



及文學學術事功原委有敘爾諸生幼聞庭訓  
長立宮牆朝夕誦讀寧無究心必也躬修實踐  
砥礪廉隅敦孝順以事親秉忠貞以立志窮經  
考業勿雜荒誕之談取友親師悉化驕盈之氣  
文章歸於醇雅毋事浮華軌度式於規繩最防  
蕩軼子衿佻達自昔所譏苟行止有虧雖讀書  
何益若夫宅心弗淑行已多愆或蜚語流言挾  
制官長或隱糧包訟出入公門或唆撥奸猾欺  
孤凌弱或招呼朋類結社要盟乃如之人名教  
不容鄉黨勿齒縱幸脫褫扑濫竊章縫返之於

心寧無愧乎况夫鄉會科名乃掄才大典關係  
尤鉅士子果有真才實學何患困不逢年顧乃  
標榜虛名暗通聲氣夤緣詭遇罔顧身家又或  
改竄鄉貫希圖進取囂陵騰沸網利營私種種  
弊端深可痛恨且夫士子出身之始尤貴以正  
若茲厥初拜獻便已作奸犯科則異時敗檢踰  
閑何所不至又安望其秉公持正爲國家宣猷  
一樹績膺後先疏附之選哉朕用嘉惠爾等故不  
禁反覆倦倦頒茲訓言爾等務共體朕心恪遵  
明訓一切痛加改省爭自濯磨積行勤學以圖



上進國家三年登造束帛弓旌不時爾身有榮  
卽爾祖父亦增光寵矣逢時得志寧俟他求哉  
若仍視爲具文玩愒勿傲毀方躍冶暴棄自甘  
則是爾等冥頑無知終不能率教也旣負栽培  
復干咎戾王章具在朕亦不能爲爾等寬矣自  
茲以往內而國學外而直省鄉校凡學臣師長  
皆有司鐸之責者並宜傳集諸生多方董勸以  
副朕懷否則職業勿修咎亦難逭勿謂朕言之  
不預也爾多士尚敬聽之

乾隆五年

欽頒太學訓飭士子文

士爲四民之首而大學者教化所先四方於是  
觀型焉比者聚生徒而教育之董以師儒舉古  
人之成法規條亦旣詳備矣獨是科名聲利之  
習深入人心積重難返士子所爲汲汲皇皇者  
惟是之求而未嘗有志於聖賢之道不知國家  
以經義取士使多士由聖賢之言體聖賢之心  
正欲使之爲聖賢之徒而豈沾沾焉文藝之末  
哉朱子同安縣論學者云學以爲己今之世父  
所以詔其子兄所以勉其弟師所以教其弟子



弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今

通患夫爲已二字乃入聖之門知爲已則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無碍於聖賢之學朱子云非是科舉累人人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲已之學誠能爲已則四書五經皆聖賢之精蘊體而行之爲



聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

旭升書院原係清貞觀廢址在東關外半里乾隆

八年紳士蔡韶清王崇暉蔡峻王永選林大炯王宜紫蔡恒繼李逢芹李逢清賴元登李逢邵王聘李曰詩劉向純等屢念桑梓人文謁郡守游公紹安請建書院於其地時署令黃公鏞鄧公蘭相繼經營並著勞績耆民李寒茂賴鳳鳴陽育萬劉良能并經營書吏蔡新湯等協謀督造與有力焉其造費悉取於每歲古戶捐送學田之租息外有紳士賴建柏助銀壹百捌拾兩王世衿助銀伍拾兩韶清之父蔡世奕助牌坊大桂木三枝是年八月興工十二年冬告竣中



爲廳後爲講堂前爲門廊又前爲牌坊左右各爲學舍貳拾間學舍之外俱有隙地園土左狹右濶週護以牆

前自東至西橫濶十四丈五尺東至吳姓界西至書院巷路左自南至北直深十三丈五尺南至街北至巷右自南至北直深二十丈南至街北至巷右邊魚塘一區濶六丈長十四丈東至書院西至吳南至蔡北至巷其魚塘右邊塘基一條直長一十六丈後濶一丈五尺前濶三丈係監生吳兆珂送出併歸書院永遠管業

南康縣志

卷之三

學校

三

按李生曰詩始終經紀視公事如已事竭誠盡慎自癸亥以迄丁卯五年間晝不遑食夜不安寢勞煩過甚因得噎膈病而歿記所謂以死勤事者李生之謂也宜亟表之以風後人

鄧蘭記

一龍峰會膳田共計叁百壹拾石南水魚塘一區又魁星閣膳田柒拾石俱係士子公置并先達好義士民送充會課供膳燈油之資共田叁百

捌拾担

土名蓮塘李楓坑古井裡小培章舍裡龍迴岡下龍迴大埠庄謝屋背曹村等

處共經丈糧米壹拾担零壹合肆勺壹抄貳撮舊在南文盛戶收租完糧今載太乙畱張國富戶



一文昌會贍田壹百壹拾伍担土名下埠寨裡西坡池田等處經丈糧米肆石捌升捌合伍勺肆抄玖撮一圭玖粟  
柴粒向載南文盛戶收租完糧今載太乙置三  
甲張國  
官戶

後二會一閣續置租田柒拾貳担柒斗肆升共租田伍百陸拾柒担柒斗肆升

一義學康熙四十七年知縣申毓來就縣治之南

舊嶺北道基地捐修公廨二楹改名義學置田

四十石一土名江堤土壠茶園背計大小四坵共田壹拾石載熟米貳斗伍升一土名

東山甲陀坵藍坑裏等處田叁拾石載熟米捌斗肆升貳合肆勺柒抄零以贍塾師

先歲捐俸拾貳兩以充修脯俾邑之俊秀子弟

南康縣志

卷之三 學校

咸得肄業其中焉後續置租田壹拾伍石

以上共租田陸百零柒担柒斗肆升俱歸旭升

書院掌管以爲院長束脩肄業膏火等費其實

收穀數及租田地名册存禮房另勒碑

乾隆八年郡守游紹安培植人才創建旭升書

院籌畫肄業膏火飭署縣黃鏞核詳租田若干

外填土園稅共錢壹拾壹千陸百伍拾陸文續

經十一年賴漢鼎送田壹拾貳担伍斗土名蔡

嶼頭橋子下等處經丈糧米叁斗壹升貳合伍

勺契載至坪畧六甲賴榮戶納十二年張以道



送田壹拾担五斗土名鯉躍塆岸前等處經丈  
糧米貳斗正契載辛一畝九甲張興富戶納張  
觀貞送田叁担正土名大山尾嬌源等處經丈糧  
米陸升正契載辛一畝九甲張興富戶納蔡重  
器送田玖担正土名新坑鏢子坑等處經丈糧  
米壹斗伍升正契載辛一畝七甲蔡清興戶納  
劉福智送田陸担塘一區土名鯉躍塆塆子裡  
等處經丈糧米壹斗貳升契載辛一畝四甲劉  
永思戶納監生朱錫衍送田壹拾捌担正土名  
後龍坊破陂裡等處經丈糧米肆斗伍升契載  
書院膏火永遠管業由縣領給詳銷其糧俱割  
書院完納

得俊畝七甲朱申佑戶納以上送出之田俱歸  
書院膏火永遠管業由縣領給詳銷其糧俱割  
書院完納  
以上龍峰文昌二會及奎閣義學併賴漢鼎等所  
捐租田共陸百陸拾陸担柒斗四升自十八年  
以後吳承謨吳正儒捐鳳翔山租田壹拾捌担  
伍斗實收谷壹拾伍担伍斛武舉吳韜董勳捐  
租田陸拾担實收谷陸拾壹担捌斗監生廖顯  
榮捐租田肆拾担實收谷貳拾伍担生員陳漢  
標捐租田叁拾陸担貳斗伍升實收谷貳拾柒



担伍斗監生劉常標捐租田壹拾伍担叁斗叁  
升實收谷拾伍担叁斗叁升生員羅茂儒捐租  
田拾担實收谷柒担廩生謝啟晟捐租田貳拾  
担實收谷貳拾担羅德銓捐租田叁拾伍担伍  
斗實收谷叁拾伍担伍斗生員王綸衢捐租田  
貳拾叁担捌斗陸升實收谷壹拾陸担陸斗玖  
升生員盧鎮蓄捐送唐江打石垵實收租田柒  
担捌斗伍升佃人陳昌錦耕叁担肆斗叁升昌  
祥耕壹担捌斗貳升昌逢耕貳担陸斗  
以上自吳承謨至盧鎮蓄等所捐租田貳百陸

南康縣志

卷之二

學校

二十四

拾柒担貳斗玖升實收谷貳佰叁拾貳担壹斗  
柒升通前項共租田玖百叁拾肆担零叁升正  
實收谷柒百伍拾壹担玖斗零伍合支銷開後  
一院長束修銀捌拾兩膏火銀共叁拾兩聘金  
路費銀貳拾肆兩節儀每節陸兩

一生員額貳拾貳名每名每月膏火銀肆錢伍  
分每課花紅試卷茶錢在外  
一童生無額書院肄業者花紅試卷茶錢全  
一起館辦席每年伍兩院長製什物每年四兩  
一祀周程夫子二祭共銀拾兩又每月油燈銀



壹錢貳分

一修整書院每年十兩

一看守書院每月給錢四百文又守門人役每月給錢三百二十文

一完糧照戶房征册

以上銀數每兩折錢八百文

社學一在東門外傳法寺一在西門外西倉左久廢明嘉靖三十三年提學副使鄭廷鵠檄知縣曾迪建二所於城外一曰正蒙在東門外淨慧寺左一曰育秀在西門外仙臺觀左俱久廢

南康縣志

卷之三

學校

三

東關外傳法寺今改名寶林山右社學地基深一十二丈前濶六丈五尺後濶八丈五尺東至寶林山西至官街路塘南至蔡宅屋基北至寶林寺園

東門外社學遺址因圯廢日久近地居民承稅開墾於道光三年修志清查公地袁姓立稅種地其稅歸學中掄元堂經管收掌幫鄉會試卷資之費

東門外淨慧寺左廢寺地乃社學舊址深一十三丈七尺前濶七丈五尺後濶六丈二尺東至



民塘西至淨慧寺巷南至蔡宅民地北至吳宅塘基

西關外仙臺觀今改名西竺菴左社學地基深六丈三尺濶四丈東西北俱至菴地南至塘社學右有大門路一條直至大街

義學久廢其地在東街店後嘉慶二十三年王姓呈明承稅葺屋接續前面店房於道光三年立稅交回學中其稅亦歸掄元堂掌管幫發卷資

順化鄉社學二所一曰啟善在相安司之右一曰

南康縣志

卷之三

學校

三

同仁在南良鄉俱久廢址存

附王守仁社學訓蒙大意并教約於左

古之教者教以人倫後世記誦詞章之習起而先王之教亡今教童子惟當以孝弟忠信禮義廉耻爲專務其栽培涵養之方則宜誘之歌詩以發其志意導之習禮以肅其威儀諷之讀書以開其知覺今人往往以歌詩習禮爲不切時務此皆末俗庸鄙之見烏足以知古人立教之意哉大抵童子之情樂嬉遊而憚拘檢如草木之始萌芽舒暢之則條達摧撓之則衰痿今教



童子必使其趨向鼓舞中心喜悅則其進自不能已譬之時雨春風沾被卉木莫不萌動發越自然日長月化若冰霜剝落則生意蕭條日就枯槁矣故凡誘之詩歌者非但發其志意而已亦所以洩其跳號呼嘯於咏歌宣其幽抑結滯於音節也導之習禮者非但肅其威儀而已亦所以周旋揖讓而動盪其血脉拜起屈伸而固束其筋骸也諷之讀書者非但開其知覺而已亦所以沉潛反覆而存其心抑揚諷誦以宣其志也凡此皆所以順導其志意調理其性情潛

消其鄙吝默化其粗頑日使之漸於禮義而不苦其難入於中和而不知其故是蓋先王立教之微意也若近世之訓穉者日惟督以句讀課做責其檢束而不知導之以禮求其聰明而不知養之以善鞭撻繩縛若待拘囚彼視學舍如囚獄而不肯入視師長如寇仇而不欲見規避掩覆以遂其嬉遊設詐飾詭以肆其頑鄙偷薄庸劣日趨下流是蓋驅之於惡而求其爲善也何可得乎凡吾所以教其意實在於此恐時俗不察視以爲迂且吾亦將去故特叮嚀以告爾



諸生教讀其務體吾意永以爲訓毋輒因時俗  
之言改廢其繩墨庶成蒙以養正之功矣念之  
念之

每日清晨諸生叅揖畢教讀以次徧詢諸生在  
家所以敬親愛長之心得毋懈忽未能真切否  
溫清定省之儀得毋虧缺未能實踐否往來街  
衢步趨禮節得毋放蕩未能謹飭否一應言行  
心術得毋欺妄非僻未能忠信篤敬否諸童子  
務要各以實對有則改之無則加勉教讀復隨  
時就事曲加誨諭開發然後各退就席肄業

凡歌詩須要整容定氣清朗其聲音均審其節  
調毋躁而急毋蕩而囂毋餒而憊久則精神宣  
暢心氣和平矣每學量童子多寡分爲四班每  
日一班歌詩其餘皆就席歛容肅聽每五日則  
總四班遞歌於本學每朔望集各學會歌於書  
院

凡習禮須要澄心肅慮審其儀節度其容止毋  
忽而惰毋沮而忤毋徑而野從容而不失之迂  
緩修謹而不失之拘局久則禮貌習熟德性堅  
定矣童子班次皆如歌詩每間一日則輪一班



習禮其餘皆就席歛容肅觀習禮之日免其課  
做每十日則總四班遞習於本學朔望則集各  
學會習於書院

凡授書不在徒多但貴精熟量其姿稟能二百  
字者止可授以一百字常使精神力量有餘則  
無厭苦之患而有自得之美諷誦之際務令專  
一心志口誦心維字字句句紬繹反覆抑揚其  
音節寬虛其心意久則義理浹洽聰明日開矣  
每日工夫先考德次誦書次習禮或作課做次  
復誦書講書次歌詩凡習禮歌詩之類皆所以

南康縣志

卷之三

學校

五

常存童子之心使其樂習不倦而無暇及於邪  
僻教者知此則知所施矣雖然此其大畧也神  
而明之則存乎其人

書院講堂乾隆癸酉 府憲寶給敦崇實學匾

聯 特其志無暴其氣乃君子養性根本  
敏於事而慎於言爲士人求道工夫

道光癸未年奉

撫憲程中丞給明體達用匾

讀書志在聖賢

聯

爲官心存君國



旭升書院學規

贛縣進士歷任贛水虹縣

方科

國家首崇文教宏立太學於京畿

公輔作養人材開設書院於直省南康高踞西江之上從古稱爲名勝之邦山秀而水清地靈則人傑在者固多豪俊近今尤茂科名旭嶺春深帶草芊綿照日蓉沱秋早桂花芬馥飄風固幸甲第之雲連亦見文章之霞蔚故郡邑賢侯建立書院爲英才學修之地誠名教之光也不佞虔南後學章貢菲才青春鉄硯磨穿始獲題名於蒞榜存歲寒毡坐久謾云造道有薪傳嘆遊

南康縣志

卷之三

學校

三

宦於廿年簿書靡暇快投林於今日筆墨重拈  
恭逢

府憲寶大人治並龔黃政俾姚宋正己率屬羣寮  
共仰花廳澤物仁民萬戶爭迎竹馬學校均沾  
乎化雨文壇先被以春風欣惟

葛父母秀水名儒越江理學舊聞名於分邑近沐  
化於隣封興賢育才旣家弦而戶誦道德齊禮  
更俗易而風移不以藐躬鄙陋延爲多士楷模  
自慚問字以無知深愧傳經之乏術然旣蒙推  
崇敢不傾肺肝而爲同學講習者乎茲當開席



伊始謹立學規十條爲書院勤修上進之助諸同志慎毋違慢自甘暴棄也可須至規條者

一立品行吾人列身爾雅之林便宜以君子自命苟品行不立而徒矜才智縱文彩翩翩聲名洋溢要屬外強中乾如入在庭闈而不知孝弟出在宗黨而不知睦姻富則驕而窮則濫吾黨何樂有此無品之人卽

朝廷何樂養此無品之士乎故儒先制行士貴立品其或不守學規妄肆干謁又屬小人之尤也品行不端莫此爲甚當商送屏出

一變氣質凡士先氣識而後文藝張子有言氣質之性君子有勿性焉又曰人或剛柔緩急有才與不才皆氣質之偏天之與人叅和不知偏之所在何以成彬彬之君子乎大抵聖賢詣極中和詩書詞皆粹美苟能沉心體驗則靜非疎懶動非躁率剛非堅復柔非委靡淺露者必敦厚遲疑者必明爽陶融日久則變化功深氣質變而性情醇發而爲文亦無非中和粹美之音矣



一去浮偽古者立言與立德立功並垂不朽則  
言之關於人也重矣然而理道不明辭多枝  
葉夫言者所以載道飾輪轅以求行徒飾也  
况虛車乎聞見當世之士或巧言以娛人聽  
聞或剗論以駭人耳目甚或逞少年新進之  
口雌黃古人顛倒是非此定非遠大之器也  
凡我同學慎毋放言高論寧拙毋巧寧平毋  
新寧爲理道之言令人敬聽毋爲奇僻可喜  
之言令人聽而忘倦無口過者自無身過也  
慎之慎之

一正文體文章一道難言矣蓋帖括難於史學  
經義精於古文代聖賢立言絲毫不敢出入  
而吾人之性情心術才猷又可藉是以著見  
非如書序記論傳銘奏議詩賦詞歌可以任  
吾意爲之而無章脉語氣也故不寢食於經  
傳子史古文先輩而徒於時下考墨卷中覓  
生活縱詞華絢爛而氣骨卑靡皆爲偽體吾  
鄉文風前明最盛而五家尤爲特出然五家  
之文皆從六經三傳兩漢百家沉浸而出故  
幽微淡折一空前代時下學五家者率皆勤



襲其字句以生澁爲幽深以怪僻爲險峻自謂能學五家不知正五家之罪人也夫雅正清真實備全美司衡者惟以此爲的故取拔皆真才文風丕變無有過於今日者也凡我同學作文務須準此有生澁怪僻者概置弗錄又或矯此而以膚浮爲博大以淺薄爲昌明而無實理真氣行於其間更屬庸靡又何取焉

一端禮體士人禮樂不可斯須去身蓋威儀爲定命之符瞻視必衣冠之正凡浮浪不根之

論妄議几席之前既屬無知而不衫不履之概泄曳師長之側尤爲放蕩凡我同學相見務宜周規折矩進退雍容崇尚禮樂嚴明之體如每月朔望叅拜先賢後須向師長三揖向同學一揖卽尋常問難亦必衣冠整肅雖盛暑亦必長衫不得褻衣便服致干冒褻夫文人好言脫畧不知晉人風流乃士當衰世托躡達以自逸若

今日禮明樂備則何宜出此也

一攻經史十三經性理傳註如日月經天萬古



不忒降而國策莊騷下至諸子百家及廿二  
史亦錯綜變化極文章之能事學者不可缺  
一自宜潛心講究寢食其中以酌其理以盡  
其事以博其趣以富其材以恣其識以暢其  
支融會貫通發而爲文言理徵事皆有端有  
委有情有緒庶免鄙塞空疎之誚於身心大  
有裨益若徒攻時文而不及經史雖藻采纒  
紛而根柢不實究屬荒陋所以經史最關學  
問學者宜盡心焉

一兼詩賦

南康縣志

卷之三

學校

三

國家以制義取士學者惟用功於舉業遂置詩賦於  
不講夫一事不知儒者之恥况詩賦乃文人  
最不可少者鄉會中式後

朝考館課俱所必需每有不能詩賦致失館選者殊  
爲可惜凡我同學每月除月課外稍有閒暇  
定當兼作詩賦益不徒以侈淵博實可以達  
性靈毋謂此爲旁務有妨制科之業也可

一精書法上古無字蒼頡造書文皆蝌蚪周太  
史籀變爲篆文李斯省籀文爲玉筋是爲小  
篆至漢上谷王次中又爲八分篆法二分隸



書大抵小篆散而八分生八分破而隸書出  
隸書背而行書作行書狂而草書聖及王次  
中作爲楷書此楷法之始至晉王右軍而集  
其大成後世宗爲字祖遞及唐宋諸賢皆非  
尋常可以驟至學者宜潛心盡力各攻一帖  
楷書則波戈點畫結構務宜有意草書須當  
左規右矩下筆有神若潦草杜撰徒令人厭  
至於場中尤貴書法開卷端方自令閱者賞  
心文便增色

殿試

南康縣志

卷之三

學校

三十五

朝考尤以此爲去取諸生所宜急盡力焉

一戒嬉遊書院乃儲才之地宜靜養潛修除會  
文聚坐外惟閉戶讀書不得彼此聚談往來  
燕劇至如博塞呼盧喪志尤甚陶侃所以取  
而投諸江不得藉口古人肆無忌憚其一切  
淫詞艷曲及世稱才子等書俱累性情斷不  
可置案頭

一嚴選拔凡書院肄業生童俱經 縣父母考  
取自必有經天緯地奇才出於其中誠一時  
之勝觀也每月課藝自多各出其奇美不勝



收不佞悉心校閱復經 縣尊鑒定發榜丹  
黃甲乙自有定評雖一日之長亦必優取者  
蓋以命中之選必以現在之佳文諸生不得  
挾持平時涵養有素一旦置之榜末遂謂選  
拔不公此卽吾儒敗類不足爲上進之材也  
定行送 縣屏出  
以上十條祇約言其大概雖爲學之道不止  
於此然成德立名實以此爲要務凡我同學  
果能身體而力行之於身心性命事業文章  
頗有神益慎勿以予言爲迂也

我

國家文運昌明德化翔洽名公鉅儒踵生叠起予讀  
憲臺寶公給賜書院額題對句必以敦崇實學持  
志養氣書爲多士勗其所以作人之意至深且  
遠併

掌教方先生學規十則明悉詳盡諸生躬遇忠信  
之長慈惠之師共証一堂正砥礪有爲之日深  
造自得俾他日得爲有體有用之儒何厚幸也  
予蒞治此邦撫茲多士端有董率勸導之任頌  
承



憲洎掌教共為獎進予於多士蓋益樂為鼓舞而不倦焉諸生勉乎哉秀水葛淳謹跋

嘉慶十七年重修

文廟台邑踴躍樂輸及歲事又修

文昌閣

奎閣除用去外猶剩錢壹千零捌拾餘千買置公

產以為每年續修 文廟及鄉會試卷資之費

細數開後

一買樓背租田叁拾叁石陸斗陸升每年實收

谷貳拾陸担伍斗肆升納糧陸斗玖升

花名 掄元

南康縣志

卷之三

學校

三

堂

一買貫背租田四拾捌担七斗伍升實收谷叁

拾捌担肆斗伍升納糧壹担壹斗伍升柒合

花名 鼎元堂

一買桐木嶺皮骨田捌担又租田壹拾肆担柒

斗實收谷拾担零柒斗伍升納糧肆斗陸升

掄元堂

一買西山下桐木嶺租田叁拾柒担零捌升此

係足數納糧壹担貳斗貳升

鼎元堂

一買牛欄前租田柒担伍斗又高車壩牙獅灘



租田柒担伍斗伏潭舖租田肆担零貳升城  
埠租田壹拾伍担柒斗伍升城埠租田肆担  
陸斗此五項足數共租田伍拾肆担肆斗叁  
升實收谷叁拾玖担叁斗柒升納糧壹担零  
貳升捌合 鼎元堂

一買石鼓隴租田叁担陸斗實收谷貳担捌斗  
捌升納糧玖升 鼎元堂

一買審邊租田柒担實收谷肆担玖斗納糧壹  
斗肆升柒合 鼎元堂

以上每年共實收谷壹百陸拾捌担叁斗柒

升除置產外餘存錢肆百伍拾千文每年生  
息幫發卷資其掌管及分給章程碑勒鄉賢  
祠

嘉慶壬申年重修

文廟生員上綸衢樂輸錢壹佰千文又花邊叁拾員  
曾愈松樂輸錢貳佰肆拾千文名並勒碑至道  
光癸未年續修縣志暨 二廟愈松復踴躍捐  
貲共襄盛舉其爲人平素勤於耕種循謹樸實  
見有善舉能欣然樂從並無吝色亦可謂急公  
慕義者矣爰登之以爲樂善者勸



南康縣志卷之四

祀典志

國朝尊崇 聖教

文廟之祀獨隆而羣祀典禮亦厚功德之報宜然也德如

至聖極矣考古八蜡報功五祀垂典况風雲雷雨山川社稷先農城隍之重乎其他或主文武或著宦績忠孝節義皆足令人興起者古者望祀不祈其福狄梁公節制江南毀淫祀幾百所祇留夏禹秦伯數廟康邑祀典止此庶幾合乎禮經而無邀倖求福之意人心正而趨向端矣謹將基地建修歲月縷列于後

雲霄風雨山川壇在縣西南古城嶺卽舊社稷壇基地也明初創建厨庫牲池俱備如社稷壇制今僅存壇壝春秋祀典如舊地基周圍三十五丈南至路北至王宅園土東至路西至民墳山社稷壇舊在西南隅今在縣西二里邱塘明初創有門有神厨有齋宿所年久俱廢壇因亂爲民取土成坑康熙庚戌秋縣令陳暉督役填平如舊春秋祀典無缺基地周圍三十五丈



先農廟在城西三官殿前雍正三年知縣金有福  
建置籍田乾隆十三年知縣鄧蘭捐俸修葺顏  
其門曰粒我蒸民又捐建更衣亭一所於殿右  
顏曰潔齊相見學訓俞蘓記每歲遵頒定日期  
知縣率僚屬具朝服至廟祀 先農禮畢更衣  
入籍田知縣秉耒九推各官助以終畝

城隍廟在城西北隅舊縣治西洪武九年知縣周  
以申遷於城東成化間遷於今所嘉靖十六年  
知縣陳徠率民大加修建申為堂三間後為寢  
東西為廊中道為碑亭前為儀門又前為石坊

四周護以磚墻同知張銓署縣事績成之教諭  
莫遺賢記後遭寇燬順治十二年知縣鄭思魯  
重修有記康熙七年戊申知縣陳暉捐俸倡建  
大殿并兩廡有記年久剝蝕頽壞康熙四十四  
年乙酉知縣申毓來捐俸倡建殿宇前後三棟  
各三楹升歌有臺巍然壯麗大改舊觀學諭程  
衛記庚寅知縣申復捐置東山甲租田四十石  
又士民郭南山等捐送黎邊租田四十二石於  
廟永資祀事有碑記

附錄廟鐘記明成化四年太府推官林碩因祀



神見廟宇倒塌倡率邑屬致仕官義官耆老士庶人等捐助銀若干於成化五年正月起造殿宇一所左右祠堂二間東西廊相對一十二間中廊一所高低五間前廊一所高低三間中間前兩傍空地後址明堂方圓橫直外一百步東至民地西至古巷南至街北至養濟院舊有洪鐘一口係元至元二十一年鑄造計二百九十二勛年久聲音毀裂義官老人等共助銀一十二兩鑄新鐘一口重千勛懸於本廟成化八年三月日監生賴懋顯記

奎閣舊名魁星閣原在儒學門左百餘步明萬歷丙辰洪水衝決天啟間知縣陳瑾改遷七星壩順治丙戌兵燬康熙五十六年丁酉知縣李煥協謀紳士郭良梓倡首鼎建易今名方落成未塑神像忽有過客慨然捐金十兩塑像隱其名自稱太古氏閣計二層周圍花牆自南至北深十一丈五尺自東至西濶九丈一尺環閣壩土皆屬閣基

文昌閣在儒學左驛地東自屏牆至後簷深九丈自左壩至右簷并廚房園土濶六丈二尺嘉慶



六年江省咨准倣照崇祀 關帝典禮春秋致  
祭

文昌先代祠在閣之左側

關帝廟在旭山知縣閔英琮建乾隆十二年知縣  
鄧蘭捐俸率紳士郭宏謨蕭培宣王聘賴雲臺  
等重修

又關帝閣在相安鎮巡檢董子音建本處士民原  
共捐租田壹拾玖斗每年實收租谷叁大担後  
巡檢王豐伯馬燭倡率先後重修購買近側基  
址加廣官民公捐續置糯田壹拾伍斗每年實  
收糯谷陸拾桶早田八斗實收早谷三十桶又  
糯田玖斗實收糯谷三十五桶供奉香燈勒石  
於廟

關聖先代祠在旭山關帝廟左歲久漸朽乾隆十  
二年知縣鄧蘭捐俸全紳士郭宏謨蕭培宣王  
聘賴雲臺等鼎建於關帝廟右規模宏壯前此  
未有有記載藝文

水府廟在南關外西南隅面臨蓉江

龍王廟在潭口河岸距縣治四十里舊九牛水驛  
廢址康熙四十三年署縣事崇義知縣高尙瑛



因禱雨靈應欲倡捐建未果解任四十四年巡檢劉維栗募助建造落成前後兩棟棟各三楹知縣申毓來捐塑神像

王陽明公祠舊在明倫堂左正德間建劉節記嘉靖十年知縣鄭衷遷於旭山歲丙午知縣彭漢始舉祭庚戌教諭張緘請當道正其祀典嘉靖三十一年僉事沈謐改祠於韓公祠之右鼎革後祠漸圯康熙辛亥春知縣陳暉捐俸重修

韓公祠在旭山公名雍字永熙巡撫虔南深恤民隱憫南康衝繁而贛之興國雩都諸縣地僻役

少乃奏請將諸縣均編以接濟南埜諸驛夫馬之費民感其德嘉靖甲午肖像附於陽明祠猶未舉祀歲辛亥知縣高募始請當道另祠特祀鼎革兵燬今改木主仍與陽明王公並祀

按王韓二公祠在旭山者久廢康熙三十六年知縣王材成改建於東門外淨慧寺左前後二棟並祀王韓二公前有門額曰陽明書院又祠西北隅康熙四十六年知縣申毓來奉上丈建育嬰堂一所院內地基深一十三丈七尺前濶七丈五尺後濶六丈二尺東至民塘西至巷南



至蔡宅民地北至吳宅塘基

明郡侯吳公祠在西門外坐南向北基址深二丈

五尺濶二丈二尺東南俱至蔡宅屋西至涂宅

大門基北至大街

郡司馬盧公感德祠在西門外坐北向南基址深

三丈濶二丈四尺東至朱宅書房西至吳宅巷

路南至官街北至郭宅書房基

理刑霍公祠在東門外坐北向南基址深三丈五

尺濶二丈五尺南至南埜驛地北至官街西至

官街東至王宅地基

蔡公大節祠在縣學東公名運字來儀歷官叅政

建文四年殉難詳載人物志基地深三丈五尺

濶二丈八尺

嘉慶三十年裔孫在龍南蔡感官等率族重修祠後基址加廣廟宇重新

忠義孝弟祠在明倫堂之東雍正年間奉

上諭建祠祀邑人明王溥霖陳清福藍成鵬劉昭理

郭民勵吳鴈鍾善政羅天奎賴汝威陽敷盛陽

可幸黃榜郭建名蔡世憲 國朝楊汝貞

節孝祠在原陽明書院地自南至北深二十四丈

五尺南至民塘北至民田塍自東至西濶八丈

五尺東至民田西至巷路



賢女祠在縣西二十五里宋端拱間建祀劉氏女也  
也大觀三年邑令謝舉廉政和六年曾定國俱  
撰有記日久祠圯明嘉靖間知縣魯迺重建天  
啟間縣令陳瑾爲文勒碑上書賢女自沉處今  
祠復燬居民立土廟祀之康熙四十九年知縣  
申毓來紀詩勒石於祠  
邑厲壇在縣北旭山寺右舊有門石碑亭及厨庫  
房今皆不存春秋惟於壇所祭祀

先農廟樂章

永豐之章 迎神

勾芒秉令

土牛是驅

唯神歆止

蒼龍駕車

念彼田疇

民命所需

生成有德

尙式臨諸

時豐之章 初獻

先農神哉

耒耜教民

田祖神哉

稼穡是親

功德深厚

天地同仁

肅將幣帛

肇舉明禋

厥初生民

萬彙莫辨

神錫之庥

嘉種乃誕

執茲醴盞

豐功益見

玉瓚椒醕

肅雍舉止



咸豐之章 亞獻

上原下隰

百穀盈止

粒我蒸民

秀良興起

樂舞俱備

吹幽稱兒

再躋以獻

肴馨酒旨

大豐之章 終獻

糜芑秬秠

維神所貽

以神饗神

日予將之

秉耒三推

東作允宜

五風十雨

率土何私

屢豐之章 徹饌

於皇農事

自古為烈

莫敢不承

南康縣志

卷之四 祀典

八

今茲欣悅

遵豆既豐

簠簋云潔

神視井疆

執事告徹

報豐之章 辭神

麻麥芑芑

秔稻連阡

縱橫萬里

皆神所瞻

人歌鼓腹

史載有年

歲有常典

芾祿綿延

慶豐之章 望燎

玉版蒼幣

來降來歆

敬之重之

蒼於厚深

典禮由古

予行自今

樂樂利利

國以永寧



二壇祭器

磁爵二十四個 磁登四個

磁甌九個

磁簋十個

磁簋十個

竹籩五十個

三

木豆四十八個 磁著蹲九個

木俎十二架

磁香爐五個

木燭臺五對

帛筐五盒

木竹版二座

鐵燔爐二座

錫盥盆二個

盥盆水架二座 牲盤二個

祭文

雩祭文

恭膺

詔命撫育羣黎仰體

彤廷保赤之誠勤農勸稼

俯惟蔀屋資生之本力穡服田令甲爰頒肅舉

祈年之典惟寅將事用申守土之忱黍稷維馨

尙冀明昭之受賜來牟率育庶俾豐裕於蓋藏

尙饗

禋祭文

詔命臨民職司守土惟兆人之攸賴並藉

神功奠四序之常調羣蒙福蔭必使雨暘應候

爰占物阜而民安庶其寒燠咸宜共慶時和而

歲稔仰靈樞之默運聿集嘉祥表元化以流形



俾無蓄害尙饗

風雲雷雨山川城隍祭文

維

神贊寰天澤福佑蒼黎佐靈化以流形生成永賴  
乘氣機而鼓盪溫肅攸宜磅礴高深長保安貞  
之吉憑依輦固實資捍禦之功幸民俗之殷盈  
仰 神明之庇護恭修歲祀正值良辰敬潔豆  
籩祇陳牲幣尙饗

社稷壇祭文

維

南康縣志

卷之四

祀典

十

神莫安九土粒食萬邦分五色以表封圻育三農  
而蕃稼稽恭承守土肅展明禋時屆仲春敬修  
祀典庶九九松栢鞏盤石於無疆翼翼黍苗佐  
神倉於不匱尙饗

先農祭文

維

神肇興稼穡粒我蒸民頌恩文之德克配彼天念  
率青之功常陳時夏茲當東作咸服先疇洪惟  
九五之尊歲舉 三推之典恭膺守土敢忘勞  
民謹奉彝章聿修祀事惟願五風十雨嘉祥恒



沐於神庥幾九穗雙岐上瑞頻書於大有  
尙饗

龍神祭文

雜

神德洋寰海澤潤蒼生允襄水土之平經流順軌  
廣濟泉源之用膏雨及時績奏安瀾占大川之  
利涉功資育物欣庶類之蕃昌仰藉神庥宜  
隆報享謹遵祀典式協良辰敬布几筵肅陳牲  
幣尙饗

文昌先代祝文

南康縣志

卷之四

祀典

十一

祭引先河之義禮崇返本之思矧夫世德彌光  
延賞斯及祥鍾累代炯列宿之精靈化被千秋  
爲人文之主宰是尊後殿用荅前庥茲值仲春  
肅將時祀用申告潔神其格歆尙饗

文昌廟春秋祝文

雜

神蹟著西垣樞環北極六匡麗曜協昌運之光華  
累代垂靈爲人文之主宰扶正久彰夫感召薦  
馨宜致其尊崇茲值仲春聿修時祀尙其歆格  
鑒此精虔尙饗



關帝先代三公祭文

惟

公世澤貽庥靈源積慶德能昌後篤生神武之英  
善則歸親宜享尊崇之報列上公之封爵

錫命優隆合三世以肇禋典章明備恭逢諏吉  
祇事薦馨尙饗

關帝祭文

惟

帝浩氣凌霄丹心貫日扶正統而彰信義威震九  
州完大節以篤忠貞名高三國 神明如在徧

南康縣志

卷之四

祀典

十二

祠宇於寰區靈應丕昭薦馨香於歷代屢徵異  
蹟顯佑羣生恭值嘉辰遵行祀典筵陳籩豆几  
奠牲醪尙饗

賢良祠祭文

惟

靈文武憲邦公忠體國當

皇朝之肇造心膂攸同值

列

聖之丕承股肱作輔明良合德奮庸而庶績咸熙中

外宣猷敷澤而兆民永賴洵屬廟廊之碩望允  
宜俎豆以明禋考績紀勲崇報昭垂於令典陳  
牲奠幣馨香祇薦於歲時尙饗



忠義孝弟祠祭文

惟

靈秉賦貞純躬行篤實忠誠奮發貫金石而不渝  
義問宣昭表鄉閭而共式祇事懋藝倫之大性  
摯莪蒿克恭念天顯之親情殷棣萼模楷咸推  
夫懿德 綸恩特闡其幽光祠宇維隆歲時式  
祀用陳尊簋來格几筵尚饗

節孝祠祭文

惟

靈純心皎潔令德柔嘉矢志完貞全閨中之亮節

南康縣志

卷之四

祀典

十三

竭誠致敬彰壺內之芳型茹冰蘖而彌堅清操  
自勵奉盤匱而匪懈篤孝傳徽 絲綸特沛乎  
殊恩祠宇昭垂於令典祿循歲祀式薦奠醪尚  
饗

王陽明公祭文

維

公建節開府勞昭定國武戡亂畧文開後覺粹學  
崇勲景星華岳敬修裸獻欽哉昭倬尚饗

中丞韓公祭文

惟



公燕治茲土紀振綱肅吏制平徭法嗣可述民到於今咸仰庇育報祀有儀永昭休穀尙饗

大節蔡公祭文

惟

公精忠貫日勁節流芳祀先生者不匱慕先生者不忘茲當仲春謹以牲醴是用將享維靈有知伏冀昭鑒尙饗

里社祭文

惟

神叅贊造化發育萬物凡我庶民悉賴生植時維

南康縣志

卷之四

祀典

十四

仲

春東作方興秋歲事有成

謹具牲體恭伸祇

報告伏願雨暘

時若五穀豐登官賦足供民食克裕神其鑒知

尙饗

邑厲壇祭文

鄉厲壇同

惟某年某月某日某官等遵承禮部劄付為祭

祀本縣闔境無祀鬼神等眾事該欽奉

皇帝聖旨普天之下后土之上無不有人無不有鬼

神人鬼之道幽明雖殊其理則一今既立治人

之法又定事神之道尚念冥冥之中無祀鬼神

昔為生民未知何故而歿其間有遭兵刃而橫



傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蛇所害者有爲饑餓凍死者有戰鬪而殞身者有因危急而自縊者有因牆屋傾頽而壓死者有死而無子孫者此等鬼魂或終於前代或歿於近世或兵戈擾攘流移於他鄉或人煙斷絕久缺其祭祀姓名泯沒于一時祀典無聞而不載此等孤魂歿無所依積魄未散結爲陰靈或依草附木或作爲妖怪悲號於星月之下呻吟於風

雨之時凡遇人問令節心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依時享祭在京都府有秦厲之祭在王國有國厲之祭在各府州有郡厲之祭在各縣有邑厲之祭在鄉村有野厲之祭期於神而血食人敬神而知禮仍命本處城隍以主此祭欽奉如此今某等不敢有違謹壇於城北置備牲醴羨飯專祭本邑合境無祀鬼神等衆靈其不昧來享此祭尙饗



南康縣志卷之四

公署志

官有公署上宣朝廷政教下爲民興利除害齊風化者也或司牧養或司教鐸或司捍衛宜各勤厥職非徒高其閭閻飾壯麗以肅觀瞻南康公署之建肇於宋歷代遷移不一然廢興建置皆治理所由闕世治則百墜修舉人望之而生畏敬時變則諸務廢弛人睨之而懷怨咨故堂廉雖近必合境內之葑屋窮簷如親目睹乃能知其疾苦而權其利害視一邑如一家人斯仰之若父母矣爰志公署而解舍附之

南康縣志

卷之四

公署

一

縣治舊在今縣治之西南宋遷今所解宇未備治事多就民居大觀宣和間始漸次剗立景祐初知縣事陳升之潤色之至紹興間燬於寇邑令趙公瑾新之陳廷傑立縣官題名碑自爲記紹定戊子尙寇焚蕩知縣事戴翼復新之教授鄭霖記淳祐七年李鳳攝縣事十一年知縣劉夢祖前後修葺元大德丙午達魯花赤也先海牙又修之壬寅達魯花赤諳都刺始恢擴改觀元末兵廢明初縣丞吳德基重建洪武間知縣卞



政奏修之景泰七年縣丞朱瓊重修後復圮正德間知縣黃璋重修嘉靖三十一年知縣高蔓亦稍加修葺中爲堂後爲川堂又後爲內署東爲縣丞廨西爲主簿廨今裁廢西南爲典史廨堂東爲幕廨後爲架閣庫堂至東西序爲六房中甬道爲戒石亭今毀大堂墀二樹大可合抱植蔭蔽天前爲儀門東爲倉爲土地祠西爲狴獄又前爲譙樓樓之下爲大門扁曰南康縣崇禎十二年冬知縣張正色更向重建大堂儀門順治三年丙戌遭兵火前譙樓庫獄六房後衙舍俱焚燬僅存

大堂椽柱官寄住民房順治八年辛卯知縣韓樂草創後衙修葺大堂順治十年知縣鄭思魯重建譙樓康熙三年知縣陳暉建後堂并修衙署康熙三十九年知縣王材成復重修衙署俱照舊址

縣治地基自屏牆起至鼓樓後柱止深六丈有五濶七丈有五又自鼓樓後柱起至衙後城脚止深五十有二丈濶二十有七丈五尺內縣丞衙濶一十丈八尺深二十九丈五尺東至王宅南至倉後西至本縣後衙牆脚北至城下縣倉深



二十三丈連土地祠濶八丈八尺東至奚宅地  
界南至土地祠屏牆西至縣六房牆脚北至縣  
丞衙界主簿衙後旱塘併陳公臺共深二十五  
丈濶十丈東至七姑廟牆脚南至捕衙地界西  
至商王宅北至城脚下

縣前左欄杆外空地深八尺濶一丈

縣前右欄杆外空地深七尺濶一丈

縣前東邊坐南空地自折桂坊起東至保赤亭土  
地廟止深一丈二尺濶二丈

縣前西邊空地自折桂坊起至西宣化亭基址深

南康縣志

卷之四

公署

三

一丈濶三丈五尺

旗纛廟地基深二丈八尺濶一丈五尺東至舖舍  
地基西臨街南至旌善亭北至縣前店後

申明亭地基深二丈九尺五寸濶二丈乾隆十四  
年十月知縣鄧蘭復建基存南街旗纛廟對面  
旌善亭地基深二丈八尺濶二丈乾隆十四年十

月知縣鄧蘭清出待建基存南街旗纛廟下首  
已上縣治左右丞簿衙及縣前欄杆外空地以  
至旗纛廟申明旌善各亭舊址因兵燹後縣治  
荒涼店舍俱廢將空基暫與初集難民起蓋店



屋以示招徠今恐沿久月侵逐一清查深濶丈尺編載入志其中店面間數應照認狀界址立碑存記以待復興

縣前總舖舍地基深二丈八尺濶三丈東至贖回藍家地西至旗纛廟後墻脚南至鄭公祠北至劉宅店後

寅賓館舊在縣倉左有明鼎革後館廢基存

教諭署在學宮左康熙三十八年己丑邑侯申毓來建

訓導署在縣東城外學宮右

都察院公署在東門內係布政司分司地基查布

政分司舊在縣治南明正統知縣齊元銘將革裁稅課局建之成化十九年知府張弼買民地開拓成化二十年叅政陳道改遷東門內丙戌兵燬順治十年知縣鄭思魯始改創都察院公館爲上官往來駐署其規制館中碑記可考地基深一十九丈四尺濶九丈一尺東至民居西至雲梯巷南至大街北至民居

嶺北道署在縣治南原係南埜驛舊基洪武三年知縣周以中改建成化間僉事莊恭拓地重修未幾叅政秦民悅復加修治順治丙戌兵燬地



墓連西道搖鈴巷空地深計二十有五丈濶七丈又署後東角餘地深三丈有八尺濶一丈有五尺東至劉宅民居西至民間店後南至屏牆基地北至舊稅課局墻基并王宅送地贖回藍宅地界止

按道署基址因城外學宮併遭兵燬權遷於此乃有送地克用及通學公贖民地以奏興建者今學宮仍遷城外此處舊址內亂後有爲民間店屋者今俱逐一丈明界址認狀有據外有貢生王鴻送出署後空地又通學前後二次公贖署後藍宅地基并出共巷路一條俱經丈明合併立碑存記以待興復

縣丞廨在縣堂東今裁

主簿廨在縣堂西今裁

典史衙在縣大堂西濶二十丈深十七丈三尺東至縣六房墻脚南至大監墻脚西至商劉王宅地界北至主簿衙界

城守衙公署在縣南門內舊爲本府公幹所順治

丙戌兵火燬廼更建爲都察院公館康熙十一

年借爲駐防營并基址照舊

深九丈二尺濶六丈東西至民地南



至城北至  
嶺北道街

潭口鎮巡檢司在縣東北四十里與九牛驛同建  
丙戌兵燬基址存康熙十四年巡檢李世明建  
廨一棟五間二十六年陳守宏于廨左建書房  
三楹四十二年巡檢劉維栗又拓前規建兩棟  
俱五間東西廂各二間廨後又構五間新舊共  
四棟地基深一十八丈濶一十二丈五尺東牆  
界外居民塘地牆內司塘一區西至官路有七  
姑祠北至龍王廟左牆外司塘一區南至官街  
潭口鎮公館在潭口街舊屬路亭日久傾圮知縣

南康縣志

卷之四

公署

六

鄧蘭同潭口司王元龍捐俸修葺顏曰急公所  
相安鎮巡檢司在縣北一百六十里明洪武三年  
設建順治丙戌焚燬康熙二十五年巡檢李廷  
光建堂三楹前門後署各三楹四十八年巡檢  
董子音署傍建屋三楹地基深一十八丈五尺  
濶一十三丈

水委汛在譚邦地縣北一百六十里

郡侯范公碑亭在新東渡口康熙六年建今廢碑  
存公名時秀

南端道李公亭在新東渡口康熙十七年建今廢



碑存

公名世昌

郡侯馬公講院在新東渡口康熙二十五年建碑  
記現存 公名化龍

郡丞黃公講院在西門外康熙三十年建有碑現  
存 公名鍾

郡侯靳公講院在東門外康熙三十五年建有碑  
基址深二丈八尺五寸濶二丈二尺乾隆十年  
知縣鄧蘭因講院倒塌將碑移過旭山同邑侯  
閔公並建祠曰二賢祠有記詳見藝文舊址仍  
存 公名襄

南康縣志

卷之四

公署

七

郡侯祝公講院在新東渡口康熙四十一年建現  
存 公名鍾賢

郡侯游公講院在書院西廡乾隆十五年設位立  
碑 公名紹安

邑侯鄭公講院在縣治前南街左康熙元年建有  
碑現存 公名思魯

邑侯陳公講院在儒學右康熙十三年建現存  
公名暉

邑侯辛公講院在陳公講院右康熙二十年建現  
存 公名樂舜



邑侯閔公講院在旭山康熙三十年建有碑日久傾圮乾隆十三年知縣鄧蘭捐俸仝紳士郭宏謨蕭培宣王聘賴雲臺等新建與郡侯蘄公並祀曰二賢祠公名英琮

邑侯王公講院在東山寺右康熙四十年鼎建基址深三丈濶二丈五尺公名材成

邑侯申公講院在學宮左康熙四十九年建有碑學使董佩笈題其堂曰政成三異雍正七年洪水衝塌教諭鍾維正捐俸移建於辛公講院右維正自爲記載藝文地基深三丈八尺濶四丈

南康縣志

卷之四

公署

八

九尺基址現存公名毓來

南塋水馬驛舊在儒學右成化二十年叅政秦民悅易其地增修儒學始以今填河灣沙洲建於儒學左正德十四年重修順治丙戌兵火址存驛暫移城內尙待復建地基深一十二丈二尺濶九丈五尺南至河岸邊東至橫巷西至民居北至鍾家巷周圍三十九丈四尺五寸

九牛驛在東北四十里久經裁葦所存地基深十丈濶十四丈五尺東至街西至河北至民居于康熙四十三年改建龍王廟



稅務舊在城尉司西累遭兵火後創於抵當庫明  
裁草已久基廢 舊志有相州務在縣北一百  
二十里係元創隨廢又有驟田稅課局在甘竹  
里又湖頭潭口崇義里各有稅課局明正統五  
年裁草基址俱廢

陰陽學明洪武十七年設在縣治譙樓左訓術官  
一員今廢

醫學明洪武十七年設在縣治譙樓右官一員有  
惠民藥局今廢

僧會司明洪武十七年設僧會一員受事於傳法  
南康縣志

卷之四 公署

九

寺今廢

道會司明洪武十七年設道會一員受事於清真  
觀今廢

